

20.08.2021թ.

ք. Երևան

ՀՀ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵԻ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ
ՈՐՈՇՈՒՄ թիվ 031755/09

ՎԱՐՉԱԿԱՆ ԻՐԱՎԱԽԱԽՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով 20.08.2021թ. թիվ 31755 վարչական իրավախախտման վերաբերյալ արձանագրությունը և կից նյութերը,

ՊԱՐԶԵՑԻ

ՀՀ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ ԵՎ ՍՊՈՐՏԻ ՆԱԽԱՐԱՐՈՒԹՅԱՆ «ԱՐԱՐԱՏԻ ՊԵՏԱԿԱՆ ՔՈԼԵԶ» ՊՈԱԿ-ի տնօրեն Էլլա Գասպարյանը (ՀՎՀՀ՝ 04000082, հասցե՝ Արարատի մարզ, համայնք Արարատ, Աբովյան 112., բն. 30) ՀՀ Հարկային օրենսգրքի 156-րդ հոդվածի 1-ին մասով սահմանված ժամկետում չի ներկայացրել 2021 թվականի մայիս ամսվա եկամտային հարկի հաշվարկը, որի համար նախատեսվում է պատասխանատվություն Վարչական իրավախախտումների վերաբերյալ ՀՀ օրենսգրքի 169¹ հոդվածի 2-րդ մասով:

Կողմին հայտնաբերելու նպատակով ձեռնարկվել են համապատասխան միջոցառումներ:

Ակտի հասցեատերը ներկայացրել է դիմում առ այն, որ ՀՀ ԿԳՄՍ Արարատի պետական քոլեջ ՊՈԱԿ-ի մայիս ամսվա եկամտային հարկի և սոցիալական վճարի հաշվարկը ներկայացվել է և վճարումները կատարվել են ժամանակին, բայց տեխնիկական և ծրագրային խնդրի պատճառով հաշվետվությունները չի ուղարկվել:

Էլլա Գասպարյանի կողմից ներկայացվել է փաստաթուղթ, որի ուսումնասիրությունից պարզ է դարձել, որ 2021թ մայիս ամսվա եկամտային և սոցիալական վճարի հաշվարկը ստեղծվել է 15.06.2021թ.-ին: Միաժամանակ ՊԵԿ տեղեկատվական համակարգում առկա տվյալների ուսումնասիրության արդյունքում հայտնի է դարձել, որ վերոնշված հաշվարկը ներկայացվել է 13.07.2021թ և առաջացած հարկի գումարը ամբողջությամբ մարվել է:

Ելնելով վերոգրյալից և հիմք ընդունելով այն հանգամանքը, որ սույն գործով բացակայում է իրավախախտման կազմը, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32, 244², 281 հոդվածներով, 247-րդ հոդվածի 1-ին մասով և 282-րդ հոդվածի 2-րդ կետով՝

ՈՐՈՇԵՑԻ

Էլլա Գասպարյանի վերաբերյալ հարուցված թիվ 31755 վարչական վարույթը կարճել:

ՀՀ ՊԵԿ ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

Ա.ՄՆԱՑԱԿԱՆՅԱՆ

